

Iroun Beretitenti Henry B. Eyring

Moan Kauntira n te Moan Beretitentii



A Na Botaki Utu N Aki Toki

Mwaakan te nakoanibonga ni kabaeia utu n aki toki bon teuana te kabanea ni korakora ni bwaintangira mairoun te Atua. Aomata nako ake a ataa te babaire ni kamaiu a ingainga ibukin te kakabwaia ae akea tokina anne. Tii inanon bukamaru ni kabaebae a karaoaki inanon ana tembora aika tabu ana Ekaretia Iesu Kristo Ibukia Aika Itiaki ni Boong Aika Kaitira are e anga te berita te Atua nakoia utu bwa a kona ni kabaeari n aki toki.

Kiingin te nakoanibonga are e a kona ni karika aei a kaokaki nako aon te aba iroun te burabeti are Eria nakon Iotebwa Timiti n te Tembora i Kirtland. Kiingin te nakoanibonga akanne a kanakoaki rinanoia burabeti aika ti te arona n ana Ekaretia Iesu Kristo Ibukia Aika Itiaki ni Boong Aika Kaitira.

Te Tia Kamaiu n Ana mwakuri i aon te aba e taekina te mwaaka ni kabaeia utu n ana taeka nakon Betero, Ana Abotoro ae rietata, ngke E taku, "E koaua ae I a tuangngkami ba akana kam kabae i aonaba ao a na manga kabaeaki i karawa; ao akana kam kabarai i aonaba ao a na manga kabaraki i karawa" (Mataio 18:18).

Bon tii n te abanuea ae te tiretio are ti kona ni maeka inanon utu n aki toki. Ti kona ni maeka ma ara utu imatan Tamara are i Karwa ao te Tia Kamaiu. E kabwarabwara te Burabeti Iotebwa Timiti aron tamaroan te taneiai are kabarabara te boki ae te Doctrine ao Covenants ngke e taku bwa:

Ngkana e kaoti te Tia Kamaiu ti na nooria n arona mai imwaaina. Ti na nooria bwa bon te mwaane n ai arora.

Ao te bobotaki ae ti te arona are e riki ibuakora ikai n te maiu aei e na iai naba ibuakora n te maiu are imwiina, tii ngkana e raonaki ma te mimitong ae akea tokina, are te mimitong are ti aki katoongnga ngkai. (taraa D&C 130:1–2).

E baireia te boki ae tabu aei bwa ti kona n onimakaniira ngkai ti barongai kainibaire ake a kaotaki i karawa inanon ara reitaki n ara utu. Ti kona n tararuiia kaain ara utu n ae tau, ake a maiu ao ake a tia ni mate, ni karaoi bwaai ni kabane ae ti kona ni karaoi n anganiiia otenanti n te nakoanibonga ake a na kabaeiira i karawa.

Angiina mai buakomi, ataei ao ikawai, a karaoa anne. Ko riai ni kakaei araia am bakatibu ake a bon tuai man karekei otenanti ake a na kona ni kabaei ngkami ni kabane.

Angiia mai buakoia iai ami utu aika maiu ake a tuai n kabaeaki man mwaakan te nakoanibonga. Angiina iai aia utu aika maiu ake a tia ni karekei otenanti n te nakoanibonga ma a aki kawakin berita aika tabu ake a karaoi ma te Atua. E na kakabwaiai ngkami te Atua bwa kam na kona ni buokiia ni kabane utu akanne inanon te onimaki. Iai ami berita are e karaopia te Uea nakoia Ana reirei ake a nako ni kaokiia tabeman Nakoina.

E (te Uea) taku bwa ngkana e butimwaaira temanna, E na mena naba ikekei. E na nako n rimoara. E na mena ia-ngataira ao iangamaingira, ao E na mena tamneina inanora, ao Ana katobibiira Ana anera, ni uotirarake (D&C 84:88).

Man wintoon au aobiti I nooria taani mare aine ao taani mare mwaane ni katoa bong n rawei tamneia ibuakon nako taian uee ao bwabwaron ran. Angin te tai te tia mare te mwaane e uouota buuna inanon baina, ma tabeua mwaneka aika a kakorakai, ngke e tabe te tia korotamnei n rawei tamneia. Ni katoa tai are I noora korakaia taani mare mwaane ni uouotia buuia, I iangoia taanga ake I kinaiia are n te tai anne—n tabetai n te tai ae uarereke imwiin aia bong ni mare—ao a bon kataia ni boutokaiia i bon imarenaia bwa a na matoatoa ni kaitara te maiu. A kona ni bua aia mwakuri. Ataei a kona ni bungiaki ma kaangaanga aika aki kona n totokoaki. E kona n roko te aoraki. Ao ngkanne, katei ake ti a tia ni karaoi nakoia tabeman ake ti taku bwa a na karaoi nakoira—ngkana te bwai ae e bebete—e na karikiira bwa booto mwaane ao booto aine inanon taai ni kakatai ngke ti taku bwa e korakora riki ae anaaki nakon are iai iroura

E mwaiti ae tangiria ara utu mairoura n te aekaki n reitaki are ti kona n uotia nako matan te Atua. Ti riai n aki kataia ni kamarakiia ke ni kamwarakaki. Ti kona ni baireia ni kabwarabure n te tai ae waekoa ma nanora ni koaua. Ti kona ni kataia n ukora kukureiia tabeman nakon are bon oin kukureira. Ti kona n akoi n ara taetae. Ngkai ti kataia ni karaoi bwaai aikai ni kabane, ti na kaoa te Tamnei ae Raoiroi nakon ara utu ao inanon maiura.

Au kakoaua nakoim bwa, ma ana ibuobuoki te Uea ao ma te nano n rairannano ae koaua, ti kona ni karekea te atatai ae tau n te maiu aei n te aekaki ni maiu are ti tangiria ni karekea n aki toki. E tangiriira te Tama are i Karawa. E tangiriira bwa ti na manga maeka ma Ngaia. Te Tia Kamaiu, rinanon Ana Mwakuri ni Kamaiu, e karekea te kona are ti na karaoia ni bitakin nanora bwa ti aonga n rin n tembora aika tabu, ni karaoi berita aika tabu ake ti kona ni kawakin, ao inanon te tai ti maeka ma ara utu n aki toki n te abanuea are te tiretio—ao ni manga okira riki mweengara.

REIREI MAN TE RONGORONGO AEI

Ngkai ko tibwaua te tua ibukiiia utu aika akea tokiiia, iangoa te bwai are e a tia n taekinna Unimwaane Richard G. Scott man te Kooram n Abotoro n te Tengaun ma Uoman: "Ukeuke n taainako ni kakora-koraia utu. Reirei ma te taratara ni kakawakiia utu ake a kabaeki n te tembora. . . . Ngkana e reke iroum

tamnein otenanti ni kabaebae man te tembora, ko na buoka ni katea abanauean te Atua iaon te aba" ("I Have Given You an Example," *Liahona*, Meei 2014, 34). Ko na kanga ni buokiia naake ko reireiniia ni kariki-rea tamnein kakawakin te kabaeki n te tembora? Kaoiia naake a bon tuai man kabaeki ni maroroakin mwaneka ake a kona n tou nakon te otenanti anne. Kaoiia naake a tia ni kabaeki ni maroroakinna bwa a kanga ni kawakina tamnein aia utu ae akea tokina ao ni mwakuri ni katamaroa aia reitaki i bon imarenaiia.

KAIRAKE

Reitaki n Aki Toki nakon Au Utu

Iroun Laura Burton

Ngke I tabekaki n au ririki ni maiu ae teniua, tinau are e bungiai e butimwaea te beeba n tabetabe bwa e na rinanoaki raoi tii ngkana a kariaia au karo (ake a tobwaai) bwa e na katiaaki moa taekan au otenanti n te Ekaretia imwiin koron 12 au ririki. E taku bwa e bon riai are I a bon wanawana raoi ni karaoa au ba-baire i bon ibuki, ma e boni kaangaanga te tataninga.

Eng, e boni matoatoa n nooria raoraou aika mwaiti ni bwabetitoaki ngkana a koro waniua aia ririki, ma te bwai are e a kaangaanga riki bon ataakina bwa I aki kona ni kabaeki ma au utu ake a tobwaai ao tariu ma mwaaneu ake niman ni karokoa I a tokara te 12 au ririki. I maaku bwa e na iai te bwai ae e na riki nakoui ao N na bon aki kona ni kabaeki ma ngaiia.

Ngke e a roko au ka 12 n ririki, ti a moanna ni ba-baire ibukin au bwabetito ao kabaeki ma au utu. Au karo a kariaia bwa N na rinea bwa te tembora ra ae ti na kabaeki iai. I aki toki n iangoia bwa te Tembora i San Diego California bon te kabanea n tamaroa, ngaia are au utu ae bwanin a kariaia bwa a na buti nako California bwa a na kabaeki.

I aki kona n tataninga ni kan riki bwa te utu ae akea tokina ma au karo ao tariu ma mwaaneu. N au tai ni kabaeki, I namakina korakoran te Tamnei bwa e boni kaangaanga taekinana. Ngkai I a kabaeki n te kabane ma au utu, au namakin n raraoma a oneakimwiia ma te karaunano ao te rau, n ataia bwa I a tomaaki ma ngaiia n aki toki.

E maeka te tia korokaraki i Utah, USA.

Taraa te Tembora

Ekabwarabwara Beretitenti Eyring bwa ibukin te nakoanibonga, e reke ara tai n nakon te tembora ni kabaeaki ma ara utu n aki toki. Koreia ke kakaea tam-nein am tembora ae mamate nanom iai ao kawakinna n te tabo ike ko kona n nooria ni katoabong. Koreia ni karinanna bwa ko na kanga ni katauroiko n nako nakon te tembora tabeua te bong.

© 2015 ioun Intellectual Reserve, Inc. A bane n tauaki mwiin taian kariaia ibukin katootongana. Boretiaki i USA. Kariaiakaki n te Ingiriti: 6/14. Kariaiakaki rairana: 6/14. Rairan te *First Presidency Message, June 2015*. Kiribati. 12586 859



Anuan lesu Kristo Mai leta: Ae e Tamaraoa

Tataromuaaka ni kamatebwiaia te reirei aei ao n ukoria n ataia bwa tera ae ko na tibwaia. E kanga ataakin anuan te Tia Kamaiu mai ieta ni karikirakea am onimaki Irouna ao ni kakabuawaiia naake ko tararuaiia rinanon te reirei ni kakawari? Ibukin rongorongona riki tabeua, nakon reliefsoociety.lds.org.

Aio mwakoron Rongorongo n Reirei ni Kakawari are e kaota iai anuan te Tia Kamaiu.

Ni kanoan te kibu e tuangira te Uea karekean te tamaraoa ni kati-kiraoa ara iango n akea tokina; ao imwina ara onimaki e na kamato-atoaki i matan te Atua; te tua n te nakoanibonga e na kaoni tamneira n ai aron te timtim mai karawa.

Tera te Tamaraoa? E taku Beretitenti James E. Faust (1920–2007): “Namakinan te tamaraoa ae tabwanin e katomiimiaki ni katei aika raraoi are e buokiira ni kanakoraoi kateira.”¹ E reitia Beretitenti Gordon B. Hinckley (1910–2008): “Tangiran te Atua bon wakaan te tamaraoa ni kabane, man bwaika a raraoi, man korakoran te aroaro.”²

N te reitaki imarenan te aine ao te tamaraoa, e taku Unimwaane D. Todd Christofferson man te Kooram n Abotoro n te Tengaun ma Uoman: “Aine a bungiaki ma te tamaraoa ae koaua, te bwaintangira mai ieta are e karika aia konabwai n te anainano n aron te anua n aron te onimaki, ninikoria, nanoanga, ao te nako-raoi inanon te reitaki ao inanon te katei. . . .

Aine, man ami bootaki nako, bon ami reitaki ma te Atua, Tamami ae i Karawa, are reken mwakam ae raoi-roi, are ko riai ni karimoa n tainako ni maium. Uringa mwaakan Iesu ae kororaoi e roko ri Nanona ae ti teuana nakon ana kantaninga te Tama. . . . Kataia n riki bwa aekakin ana reirei anne te Tama ao te Nati, ao am anainano e na aki mauna”³

Rakan riki Booki aika Tabu

Taian Areru 24:3–5; I-Biribi 4:8; 2 Betero 1:3–5; Aramwa 31:5; D&C 38:23–24

Man Koroboki aika Tabu

N te bong aei, aine aika tamaraoa, a kaonaki ma te onimaki, a karoko iroun te Tia Kamaiu. N Ruka 8 ti wareka rongorongan te aine are e nrara inanon 12 te ririki are e aki kona ni kamaiuaki. E ukoukora te kamaiuaki ngke e “roko i akuun [Kristo], ao e riinga buruburun ninirana: ao e a [toki] naba rikin nrarana.” Ao e taku Iesu, . . . Antai ae ringai: ba I atai ba e otinako te mwaka mai Rou. Te aine ae tamaraoa ma ni kakaonimaki aei e baka i matana, ao e tuangnga “i mataia aomata ni kabaneia” bwa “bukin

ringana ao “tataweni maiuna. Ao e taku nakoina, Natiu, e kamaiuko am onimaki; nako ma te rau” (taraa Ruka 8:43–48; taraa naba 6:17–19).

Rinanon Tamaraona,⁵ Kristo e kona ni kamaiu, e boutoka, kakorakora, karaunano, ao te rau, ao ni kakukureira ngkana ti rinea ma te ninikoria ao te onimaki ni karoko Irouna.

BWAAI AIKA A NA TARAAKI

1. James E. Faust, “The Virtues of Righteous Daughters of God,” *Liahona*, Meei 2003, 108.
2. Beretitenti Gordon B. Hinckley (1910–2008), “Excerpts from Recent Addresses of Beretitenti Gordon B. Hinckley,” *Ensign*, Eberi 1996, 73.
3. D. Todd Christofferson, “The Moral Force of Women,” *Liahona*, Nobembwa. 2013, 29, 31.
4. Iai mwaakan te tamaraoa (taraa Mareko 5:30).
5. N te Kairi nakon Koroboki aika Tabu, “Nakoanibonga” e kamataktaki n aron: “Te kariaia ao te mwaaka are e anga te Atua nakon te mwaane ni mwakuri bwaii ni kabane ibukin maiun te aomata” (D&C 50:26–27).

Iangoa Aio

E kanga te tamaraoa n anganiira te mwaaka ao ni kakorakoraira?